

Q. D. B. V.

54
40

DISSERTATIONEM
DE

ANIMI HUMANI AF-
FECTIBUS,

& speciatim

DE PERCEPTIONE SENSUALI
ex Praescripto Fridericiano
habendam

PRÆSIDE

G. C. SCHELHAMMERO D

Ser. Duc. Schleswico Holsat. Archatro, Med. Profess. Pri-
mario h. t. Ordinis sui Decano & Collegii Chirurgorum Praefide
& rel.

Die 4. Januar MDCCX.

publice tuebitur

JOH. VALENTINUS BÜTZER.

Kiloniensis, Med. Cultor.

K I L O N I

Literis Bartholdi Reutheri, Academ. Typogr.

DISSEMINATION

ANIMAL HUMANI EFFECTIBUS

DE

RECEPTE

ON PROCESSION

DE

DE

G. C. SCHMIDT

See Dec. 24th 1850

in the Office of the

DE

DE

JOHN W. H. H. H.

DE


DE

DE

DE

DE

DE



G. C. S.

DE

ANIMI HUMANI AFFECTIBUS DIS-
SERTATIO.

SECT. I.

PROOEMIUM.

I.



DE impetu & affectibus animi, quibus ille commotus exardescit, quoties vehementer rem vel gratam expetit, vel molestantem aver-
satur, arduum & difficile est dicere: cum propter abstrusam eorum indolem, quæ in ipso cordis vel cerebri recessu latens, nullam sui copiam facit, nec videri nec palpari se patitur, sed solius mentis contemplationi relicta est, tum propter varia hominum ingenia, indeque proveniente maximam ubique dissensionem. Accedit, quod, quæ quilibet vel a præceptoribus suis & studiorum directoribus principia in præjudicium veritatis accepit, vel sibi in quacumque re ipsi finxit, impune sequatur, neque aliud sibi negotii datum existimet, quam ut suppositis pro lubitu quibusdam, gratisve sumtis, nexum causarum in animo fortuito formatum, rebus quas tractandas sumsit, utcumque accommodet.

A

II. Sed

Initio

II. Sed quam pernicioſa ſit hæc philoſophandi ratio, illi norunt, qui paulo rectius inſtructi, id quod natura ipſa rerum, & experientia ſuggerit, fallere unum non poſſe, quod autem animus intra ſe fingit, incertum valde, & plerumque falſum eſſe, longo rerum uſu didicere: dudum id monente *Hippocrate in Præceptionibus*, ubi ea demum laudat ratiocinia, quæ ab apparentibus naturæ (Φαινόμενα hodie vocant) initium capiunt: ea contra, quæ ex probabili mentis fictione procedunt, *πολλὰκις βαρύνειν, καὶ ἀνίαρην ἐπιφέρειν διαθεσιν*, monet. Unde etiam evenit, quod relictæ hodie & rejectæ inani illa ratiocinandi licentia, quæ in *Suppono, Suspicor, & Coniicio* plurimum verſatur, ſcientiarum initia prudentiores in experimentis poſuere. At in noſtro hoc argumento tanto majore cum errandi periculo occupamur, quod in re materia carente nulla experiri per ejus naturam conſeſſum eſt, quibus ratio ejus a priori manifeſtetur: quæ vero eam conſequuntur, talia quoque ſunt, ut incerta ac lubrica etiam hæc retro euntibus appareat via.

III. Ut autem magnis adeo difficultatibus negotium hoc ſit obſeptum, cum tamen non minus jucundum, quam ex re noſtra futurum ſit, non nihil diligentius id excutere, difficultas illa nos deterrere non debet: reperiemus enim, Deo duce, quædam forte indicia, & quaſi veſtigia veritatis, quæ, dummodo rite conſequamur, in ſinceram ejus cognitionem nos perducent.

IV. Eſt

IV. Est vero, ut omnium rerum, ita & animi affectuum varia admodum & multiplex, pro cuiusvis proposito aut scopo consideratio, quæ facit, ut ad varias disciplinas pertinere videri possit. Nam in quantum sunt animalium, perfectiorum maxime, (etsi ne insecta quidem omnibus careant) affectiones, quæ suis causis atque effectibus gaudent, ad naturalem referuntur scientiam: in quantum in homine, ut homo est, deprehenduntur, ad eos, qui in disciplina morum occupantur, & quo pacto impetus eorum rectæ rationis præceptione frangendus sit, docent: quomodo vero cognoscendi sint in aliis, & dijudicandi qui iis sunt dediti, ad civilis prudentiæ doctores attinet. In quod *Scipio Claramentius* Italus; *Camerarius*, *Cæsfetæus* & *Bruierius*, qui *Theophrasti Characteres* transtulit, & multiplici accessione auctos edidit *Galli*; dein & *Neubusius*, *Placcius* aliique legi possunt. Denique & *Bellegardius*, itidem Gallus, cujus opuscula, omnia longe pulcherrima, æq; ac *Characteres* laudati, prostant, ex quibus bene multa huc referri possunt: porro nunc alia consideratione, qua scilicet peccatis nos reddunt obnoxios, spectant ad Theologos: denique, ut vitæ insidiantur, & labefactant bonam valetudinem, eorum doctrinam partim Medici sibi vendicant, & inter causas morborum, ubi sex rerum non naturalium illis dictarum rationes ineunt, solent eos recensere.

*De conje-
cturis mor-
& affectis.
Dela Cham-
bre Chara-
cteres des
passions.
Coeffet au
Tableau
des passi-
ons.
Theatr.
ingenior.
Semeiot.
moral.*

V. Nobis itaque nunc ânimus est, hoc po-

tissimum nomine eos ad incudem revocare: at-
tamen, cum citra cognitionem interiorum eo-
rum naturæ, causarum, effectuum fieri id non
possit, etiam Naturalis Philosophiæ silvam cedere,
illamque excutere licebit: præsertim cum ab ejus
cultoribus, copia rerum obrutis, plurimum ne-
gligantur: neque etiam digne satis expendi pos-
sint, nisi auxiliatrices medicina manus porrigat,
utpote cujus asseclæ inter curandum frequentem
eos perspiciendi occasionem nanciscuntur. Et
quidni liceret? cum recentes morum moderato-
res id facere non dubitent, qui longius multo ab
his absunt, & prorsus extra limites, dum id agunt,
vagantur, nec nisi mutuo acceptis & aliunde ar-
cessitis argumentis uti possunt; nos autem dome-
sticis.

CAP. I. AFFECTUUM NATURA.

1. *Quid sint affectus.* 2. *Universalis eorum ratio.* 3. *Occa-
siones ex causa interna.* 4. *Externa.* 5. *Illæ nobis homi-
nibus propria.* 6. *Operatio.* 7. *Nova quorundam sen-
tentia, de quatuor primis:* 8. *Expenditur.*

I.

PRima vero, ut ordine procedamus, quæstio
erit, ex quo genere sint rerum, & quorsum
pertineant; altera quo pacto oriantur, & qui-
bus de causis; tertium fuerit, ut proprietates eo-
rum & quid valeant in nobis efficere, cognosca-
mus.

II. Et hic in limine statim haud leve du-
bium

bium occurrit: ambigat enim aliquis, an ad corpus, an ad animam, seu mentem pertineant propius, an denique utriusque sint, & quasi medium quid, quod neq; uni neq; alteri comode satis tribuatur, sed utrisq; conjunctis competat. Id vero, priusquam enodatum est, nihil certi de eorum natura, & si quam habent, essentia, statuere licebit. Hoc vero cum rectius inquiri non possit, quam si totam eorum historiam prosequamur: id jam aggrediendum est, postquam quid per eos intellectum oporteat, succincta oratione indicavero.

III. *Voco autem affectus animi graves & subitaneos quosdam motus, ex perceptione externæ cuiusdam rei vel negotii, sed & interni nonnunquam, ex memoria deprompti, intra nos oriundos, quibus animus ad cupiditatem vel aversionem illius impellatur.*

Intra nos inquam, oriundos, quo non viscerum ciborumve, aut quoscunque alios intellectos me velle, quibus de loco in locum transferuntur devoluunturque, quisque perspiciet facile: sed fluidorum, quos fieri in nobis, extra ea, interno subtilique sensu quodam percipimus, quæ medicorum vulgus partes corporis fluidas, (perperam licet, ut alibi nobis ostensum est) ut reliquas solidas, nominare consuevit.

Graves & subitaneos autem dico, quod per experientiam constet, iis obortis, ex objecti oblatione percussum illico animum moveri, protenusque efferverescere, & evehi in majus: nec raro

etiam cito iterum suffocari, si quis reprimat se, & eos prudentia componere studeat, moderati ingenii homo.

IV. Dixi porro: *externe alicujus rei vel interne, ex memoria depromptæ* memoracione etiam excitari affectus. Tametsi enim frequentissime accidat, ut sensus speciem istarum rerum ad mentem deferant, non raro tamen intus, ex sola cogitatione intra semet ipsum commoveri animum experimur, quoties illa de re quadam grata admodum, vel vehementer etiam ingrata incidat. Quin *desiderium* ex interna hac causa frequentissime, & pene sola nascitur & si cum *spe* fruitionis futuræ conjunctum est, læte se ille effert; si vero difficultatis & incertitudinis plena sit, *tristitia* & sollicitudo; ubi vero præcisa penitus est spes omnis, *desperatio* oritur. Sic ingratae contra rei recordatio, si præteriit, *tristem pœnitentiam*, si in proximo sit ut fiat, *metum* injicit, *anxietatem*, crucem animo figens: si talis sit, ut possit saltem deinceps contingere, *timorem*.

V. Ut autem hæc ita habeant, & absentibus, atque a sensibus remotis objectis æque ac præsentibus generentur affectus, multo tamen a præsentia ipsius efficacius id fieri observatur, & pro rei natura quæ sese ingerit, impetuosius. Quod non ignorabat Poëta omnium in humani ingenii ad oculum demonstranda volubilitate, artifex maximus, ubi *Phædriam Thaidis* amore incensum introducit, de ea quidem absente vehementissime con-

Ter. Eun.

4. 1. 2.

conquerentem, at egrediente in conspectum, longe validius afflictum, hinc:

*Totus inquit, Parmeno tremo, horreoque
postquam adspexi hanc.*

Videtur autem hoc nobis præ ceteris animalibus proprium esse, ut absentis etiam rei cogitatione commoveamur: bruta enim, etsi memoria itidem, ut nos, polleant, ut jam tum Aristoteli observatum *L. Metaph. i.* est, præteritorum tamen, vel futurorum, nisi rursus in præsentiam veniant objecta, nullo neque desiderio, neque cura eorum tenentur; nisi quis Veneris stimulum huc pertinere putet, quo in coitum impulsus, foemellæ appetitu exardescunt: quod tamen naturæ potius instinctus est, quam affectus: salacitatem enim eò referre, incongruum videtur. Rectius forte ea excipias, quæ in societate, maxime conjugali, vivere assolent: sejuncta enim, & consueto consortio exclusa, desiderio absentium capiuntur, cujus rei alibi de anseribus memorabile exemplum in lucem produximus: sic canes etiam per magnas satis viarum intercapedines, ad dominos redire gestiunt, iisque repertis, blandissimis gesticationibus lætitiā suā testantur.

VI. *De cupiditate vel aversione* quod addidimus, nulla dilucidatione indiget, est enim id ipsum, quod veteres *appetitus concupiscibilis & irascibilis* nomine, prudenter quidem, sed incondita loquendi consuetudine dixerunt, ad quæ duo genera affectus omnes facile redegerunt.

VII. Quod enim recentioris Philosophiæ doctores

res quidam quatuor affectus primarios (Passiones dominantes Gallorum more appellitant) præeunte viro hodie percelebri, constituunt, ad quos ceteros reducant: Voluptatis, Ambitionis, Avaritiæ Cupidinem, & amorem rationalem, in quo is magnus parens, summus, sui temporis Philosophus *Jacobum Thomasium*, cujus & nos doctrina, dum viveret, usi sumus, præeuntem habuit, qui *Phil. Pract. in Tab. Phil. Pract. Tab. IX.* tres illos priores jam olim commemoravit: quanquam in vita civili horum consideratio non exiguum habere usum, & originem esse multorum, si non omnium, malorum, atque animi etiam affectuum, agnoscam lubenter, ad affectus tamen ipsos pertinere, mihi quidem non videtur, cum potius naturales quædam (imo non raro & adscititiæ) propensiones videantur, e quibus nascuntur affectus atque emanant. Quæ si intra mediocritatem consistant, justitiæ præceptionibus temperatæ, dum carent impetu illo, qui in omni animi commotione adesse solet, affectus censeri non possunt: ubi vero cupiditas illa in habitum excrevit, non tum amplius affectus, sed vitia sunt, virtutibus suis opposita: avaritia præsertim, quam ad affectus reliquorum Philosophorum nemo unquam retulit, nec voluptatum amorem, nec honoris immensam, ac malesanam libidinem. Affectus autem est, si quis, occasione & objecto impellente, in voluptatem feratur, aut sodalis contentim habiti facultates, virtutes, honores, in-

vidia

vidia prosequatur, aut aliena bona vehementer expetat: quæ sunt longe diversissima.

XII. Atque hæc adeo non invito ipso clarissimo auctore asserere mihi videor: quippe qui alibi ea non amplius affectus, sed *vitia* capitalia (die drei haubtlasten) nuncupat, & ut talia depingit: & recte quidem. Ut enim initio, præsertim in pueris, affectus videri possint, atramen deinceps, si quis ex ephebis egressus, non iis indulgeat modo, eaque approbet, sed etiam det operam ut lubricinam suam expleat, non amplius propensionis, aut affectus nomen sustinere possunt, sed aperte in vitia morum transeunt: & ejusmodi homo vitiosus est, cum ille, qui affectu quodam, in quem propensum animum habet,prehenditur, etiam frequenter, vitiosus tamen non sit, sed impotens. Ideo in definitione affectus subitaneos motus nominavimus, non tantum motus, qui, ut efferunt animum celeriter, ita, subsidente ebullitione, plerumque etiam citò rursus defervescent. Quod vero amorem rationalem attinet, is multo minus affectibus accenseri potest, cum sit potius ipse amor virtutis, honesti nomine omnibus jam dudum notus, & ad appetitum rationalem, (etsi in hoc etiam affectus esse quærendos Cl. Durrius existimat) referendus, ut cupiditates priores ad sensitivum referre æquum est.

Ausüb.
der Sit-
ten Lehre
XII.
Haubst.
ex alibi.

V. Chr.
Thom. Phil.
Pract. tab.
IX.

CAP. II.

HISTORIA EORUM.

1. De modo, quo fiant, Cartesius primus cogitavit. 2. Duplex origo affectuum. 3. varia eorum conditio ac vis, pro sensibus, quibus moventur. 4. 5. Qui ex quibus. 6. Progressus eorum. 7. Duratio, 8. 9. 10. Consequentia.

I.

HIS ita perspectis, propius accedamus ad rem, & quomodo rerum perceptio in nobis affectus cieat, quove ordine singula fiant, inquiramus. Quae de re cum veteres nihil admodum nobis reliquerint, quid recentis seculi doctores proriderint, indicabimus. Ubi optime quidem praevit, facemque praetulit *Illustris DesCartes*, & primus forte munivit viam, quamvis quibusdā praëjudiciis suis occupatus, non ubique attigerit veritatem. Nam & motus in corpore principium non recte accipit, & de anima ejusque sede perperam sentit, nervorum denique & spirituum naturam & usum, Medicis rectius quam Philosophis perspectam, non satis assecutus est. Et cum presso pede affectu eum sequantur, ne ab his quidem est quod certiora expectes: ut adeo ex hac parte Philosophia ista pene doctoribus suis destituatur. Liceat ergo nobis nostram sententiam liberius paulo, ubi ab eo dissentimus, exponere: ut vero tanto certius assequamur veritatem, ab iis, quæ obvia sunt, exorsi, proficisci ad institutum pergemus.

*De Pass.
An.*

II. Cum

II. Cum ergo ex dictis constet, primum ab iis, quæ extra nos geruntur, affectus in nobis moveri, deinde & sola cogitatione eos in nobis gigni, eam tamen ipsam cogitationem non ex se, sed tum demum oriri, cum de rebus olim perceptis denuo in mentem venit, non opus fuerit, duplicem hanc eorum originem seorsum contemplari, sufficiet ea percensere, quæ sensibus affectis, contingunt. Rebus vero externis præsentibus, earumque specie in cerebrum delata, internum illud principium, quod in nobis percipit, moveri persentimus, illumque motum, si non admodum res tangat nos, vel in memoriæ sedem deferri, ibique deponi, vel si minoris adhuc momenti sit, illico extingui: quod si vero vel jucundum vel ingratum videatur, non quietum se continet illud perceptionis principium, sed ea quæ in cerebro sunt fluida subtilissima, (spiritus hinc animalium medicis dicuntur) commovet, ex quo mox animus alterationem patitur, & cum spiritus illi cerebriterminis non contineantur, sed diffundant se, & etiam pergant in sanguinem, eumque itidem commoveant, corpus etiam non raro afficitur, usque adeo, ut & morbi hinc excitari possint, & , nisi obsistas, mors. Quæ cuique ita manifesta sunt, ut ostendere, inutile fuerit.

III. Non tamen omnium externarum imaginum eadem in animum vis est atque potestas, ut æquali impetu eum percellant, sed pro sensuum

diversitate. Quæ oculis cernuntur, maxime & celerissime id faciunt, tardius, quæ per aures illabuntur, tertio loco est tactus, quarto gustus: si modo dignus est qui hic recensatur: cui par odoratus est, nisi quod spiritus (quod tamen extra hunc locum est) ita afficiat nonnunquam, ut deliquium patiantur qui minus ferundo sint. Verum hæc non tam animi permotione quadam fiunt, quam corporis, & imbecillitate naturæ eorum.

IV. Neque omnium pariter sensuum objecta eosdem, sed alia alios in nobis affectus producere observantur: *Visu* amor, indeque conascens fruendi desiderium; aversio, & hinc consequens abominatio oritur; ad extremum, si ne noceat etiam, periculum fit, timor: *Auditu*, imo, quod huc referas, lectione etiam (est enim tacitus sermo, & pictura loquens literis consignata oratio) eadem prorsus, sed præterea & ira, odium benevolentia, invidia, magis quam visu, dolor, animi sollicitudo, lætitia, tristitia, & quod huic fere proprium est, militaris animi fortitudo, ac robur. Unde tympanorum tubarumque strepitus in bello usum invenit, animi enim constantia ac magnitudo & denique furor eorum clangore excitatur. Terror autem & misericordia utrique eorum communia sunt.

V. Reliqui, *Tactus*, quem proximum posuimus, & qui huic vel cognati, vel subordinati sunt, *Gustus Odoratusque*, vitæ potius quam animi

animi causa condicti, voluptatum vel dolorum origines ac fontes, nullos admodum affectus in animo concitant, sed solius corporis perceptione terminantur? gaudium enim aut lætitiā voluptuosas eorum fruitiones, indeque natum amorem, tristitiā odium, parere, minus proprie dici, patet: neque enim ipsas quas percipimus res, amare vel odisse videmur, sed voluptates aut molestias quas producunt, vel illos qui inferunt homines. Solum desiderium bonorum absentium, & nauseam quandam, vel abhorrentiam eorum efficit recordatio: sed ut hæc non nisi stimulante natura accidunt, ut in fame & siti omnium clarissime videre est, sic verè affectus dici non merentur; nec de Veneris desiderio aliter se res habet, nisi corruptus consuetudine animus cœco quodam & beluino quasi impetu feratur. Hæc sane ad animum non pertinere, sed inferiorem quandam facultatem, conservando generi nostro unice destinatam, nemo non videt: habetque ipsa salacitas pariter ac cibi potusque appetitus suam originem in corpore. Conjugalī autem amor aut etiam amicæ, huc referendus non est, quoniam longe aliud quam hujus sensus principium agnoscit, & maxime rationalis est: quæ autem præter rem hic contingunt aut superveniunt, de essentia ejus minime sunt, sed ex illis, quæ per accidens philosophi dicunt fieri, & his accedunt potius, ac superveniunt. Ceterum de naturalibus ejusmo-

di motibus, quæ ad corpus pertinent agit quoque, eosque ab affectibus sollicite distinguit ac segregat judiciosissimus *Cartesius I. Pass. An. Art. 24.*

VI. Sed redeamus ad affectus, animadvertentes & hoc : Motus istos omnes, qui ab extraneis rebus procedunt in animum, initio quidem vehementius nos percellere, sed deinceps, semota specie, quæ eos excitaverat, labascere, & sensim imminui. Ex adverso, qui ex internorum sensuum recessu proveniunt, & intra animum ipsum gignuntur, in principio leves esse, meditatione vero & cogitatione assidua non modo arctius inhærere, sed quotidie insuper incrementum capere. Ita qui tristitiæ indulgent, continuo mœrore tandem consumuntur; quin melancholici evadentes, non raro despondent animum, sibi que ipsis violentas inferunt manus. Idem de amore notum est, ut denique aliqui ex eo extincti legantur; luculentissimum vero exemplum est in ira, cui nisi resistas gnaviter, & magis frequenter invadet, & facilius te vincet, inq; gravissima præcipitabit pericula. Nam ea eorum omnium est ratio, ut adsuefactione majorem in nos capiant vim, & quo sæpius admittas, eo promptius & vehementius incendantur, nec facile postea reprimi aut expelli possint. Pariter ac illi, qui corruptis moribus, & in pravas libidines proni feruntur, tandem in iis habitum acquirunt, easque magis magisque desiderantes, pleno

pleno cursu, quoties occasio se offert, etiam cum vitæ ac salutis dispendio, in eas ruunt, moriq; citius præoptant, quam voluptatibus suis nuncium mittere.

VII. Quocunque vero modo ortum sumant, id etiam solenne ipsis est, ut cito quidem & cum impetu plerumque adveniant, non pari autem velocitate recedant, sed tempore opus est, ut subsideat ebulliens fervor, & animus ad quietem reducatur: haut aliter ac a ventis concitati maris fluctus, sedata etiam procella, per horas plurimas, imo dies sævire non desinunt. Neque ratio, in auxilium vocata, statim superare illos est potis, etsi vel maxime, etiam id exoptes; non magis ac temulentiam vincere valemus, antequam vinum in cerebro spiritus tumultuantes agitare desinat, illique veniant in potestatem.

VIII. Sentitur autem interea in cerebro haut obscure quædam notabilis alteratio, quæ id perturbat, percipiendi facultatem lædit, cogitationes inter se miscet, memoriam obruit, iudicium obtundit, spirituum confuso motu. Quod si violentior est commotio, dolor capitis consequitur, ejus generis quem tensivum medici appellant: hunc vero excipit quædam debilitas, ad vertiginem quasi tendens, vel febris, imo aliquando in imbecillibus natura ipsa lipothymia, postremo & apoplexia, non raro lethalis.

IX. Neque mentem solam ac spiritus, sed ipsum sanguinem quoque permovere observantur

tur, ut pulsus velocior urgeat, & arteriam altius attollat, unde corpus incalcescat, haut parum, aut contra etiam, oppressus ille languescat, & minuatur: aliquando & horror tremorque corripiat, expallescat vultus, recedente vel potius non influente, sed stagnante sanguine. Nonnulli sudore frigido perfunduntur, aliqui etiam uno momento canescere visi sunt, aut in gravem quandam morbum inciderunt. Ita puella eximia & liberalis, dolore animi, ex morte sororis carissimæ accepto, in Cardialgiam, & palpitationem cordis incidit, diu inexpugnabilem. Illustre etiam exemplum est a Cl. *Riedlino* annotatum *Lin.*

Anno 1.
Jun. lin.
24.

Med. Sed quæ maxime omnium ex ejusmodi animi perturbationibus noxam sentiunt, foeminae sunt, praesertim si menstruali sanguine fluunt, aut uterum gerunt, aut lactant. Et illæ quidem protenus fluxu subsistente, vel in febriculas, vel convulsivos motus incidunt, mensibus sæpe in perpetuum cessantibus, aut ægre seroque restituendis; istæ de foetu periclitantur; his vero, momento lac corrumpitur, quod nisi emulgeant, pusiones plerumque, epilepsia superveniente, intra paucas horas conficiuntur.

X. Vicissim vero iidem affectus animi nonnullis pro beneficio fuere, ut ex magnis & insanabilibus morbis illico sint eluctati. Podagricus, cum graviter decumberet, orto in vicinia incendio, terrore perculsus, e lecto, ad quem vel appropinquantes antea dolorem inferre ipsi videban-

videbantur, subito profiliens, per scalas salutem quærit, veloci cursu nullum dolorem percipiens, se proripit, & dum vitæ salutem quærit, plus invenit, atque a malo suo simul liberatur: neque enim ab eo tempore dolores pedum eum amplius invasere. Alii, qui inopinato in carcerem abreptus, ibique conclusus est, idem evenisse legitur. Sic qui fortunam propitiam habent, etiam ex infauftis casibus felices successus experiuntur.

CAP. III.

QUOMODO EXCITENTUR IN NOBIS. SENSUUM RATIO.

1. *Antiquorum de sensibus mens.* 2. *Recentiorum.* 3. *expenditur.* 4. *In quo verum adsecuti, & quousque, in visu,* 5. *in auditu,* 7. *& reliquis.* 8. *eorumque errores.* 9. *Vera ratio argumento apodictico ostensa, & ab objectionibus liberata.* 10. *Exemplis illustratur dogma.* 11. *Dubis obviam itur.* 12. *hisque stabilitis, insolentes recentiorum lectiones rejiciuntur.*

I.

HIs de iis quæ in animi motibus obvia sunt, prænotatis, interiora eorum scrutari par erit, & maxime causas. Quas ut felicius assequamur, quomodo ista omnia in corpore procedant, & per quas vias, five externe ad-
voluta, five intra animum cogitata, & quo pacto in eum agant, investigare studeamus.

II. Primo autem loco quomodo externæ species rerum in sensus organa perveniant, ea-

C

que

*Vid. Sen-
nert. Physf.
L. VII. c.
1. & alios.*

que afficiant, inquiramus: de qua re doctores in diversa abiire. Qui antiquam Philosophiam amplectuntur, veram rerum conditionem per meras species, quas spirituales nonnulli eorum vocarunt, veramque imaginem sui nobis innotescere, sunt persuasi, ad oculorum exemplum, eorumque fabricam provocantes: quem cameræ obscuræ quæ hodie appellatur, similem esse, nimis jam manifesto constat. In his igitur, ut in illa, imagines rerum scitissime pingi, sicque offerri animæ existimant: quæ figuram earum percipiens, de longinquitate, magnitudine, reliquis, ex consuetudine quadam recte iudicet, quantum ad finem assequendum requiratur: ita vero etiam de auditu & aliis rem habere opinantur, paremque omnium sensuum esse rationem,

*Dioptr. c.
IV. & VI.
Pass. An.
1, 12.*

III. Ab his, qui recentem Philosophiam præferunt, longissime recedunt, non per imagines in mentem illabi rerum species asserentes, sed nervorum, quæ e cerebro in sensuum organa procedunt, tenuissima filamenta, vel ab objectis, ut in tactu, & gustu, vel a mediis fluidis, quæ ab his moveantur prius, ut in visu & auditu, moveri, eaque mota, tremula quadam propagatione eundem motum in cerebrum inferre, animaque hinc non ea, quæ in objecto sint, sed quæ in cerebro fiant, motum illum tremulum scilicet, percipere: de quibus *Cartesius* hujus dogmatis auctor, potissimum legi potest. Quin ima-

imagines, licet concedantur, nunquam tamen, objecto similes esse omnino (alias enim nullum inter utramque discrimen fore) profiteri non verentur. Quæ tamen ratio, tantisne Philosophis sit digna, ego quidem non dixerim: quasi vero inter picturam & hominem pictum, cui quam simillima est, nullum discrimen interesset. Certe videtur hic, & in iis quæ sequuntur, qui horum auctor est, fluctus in simpulo cingere Philosophus, & nodum quærere in scirpo. Alii longius etiam in negotio isto procedunt, & ne ullam quidem perceptionis nostræ cum re percepta similitudinem esse, persuasum eunt, sed occasione objectorum de præsentia rerum nos admoneri quidem, species autem, quas sentimus, non esse illarum, sed in cerebro oriri, quæ est *Job. Clerici*, celeberrimi inter hodiernos Philosophos, quam a Franc. Malebranchio didicit, sententia: hincq; eosdem effectus etiam iis ab-
sentibus in corpore nostro ab aliis, & vel sola cogitatione produci posse, contendunt. Nimis longum foret, ea omnia diligentius excutere, imo fortassis a scopo nostro alienum: strictim tamen id fieri, nihil prohibet.

*V. Ejus
Phys. c. IV.
c. 7. &
Malebr.
Recher.
detr. Ver.
c. 4.*

IV. Est autem in ambabus his opinionibus, ut reliquis meditamentis plerisque hominum, fortassis aliquid falsi cum vero mistum, ut neutram vel rejicere penitus, par sit, vel totam admittere. Nam antiquis concedendum est, veram speciem rerum, nempe superficiei, figuræ & coloris, ex radiis lucis utcunque a corporibus ex quibus redeunt, modificatis, offerri: qua-

rum plane easdem esse conditiones, quæ in im-
maguncula retinæ occurrunt, non modo idem
sensus in camera obscura, imo ipso oculo e ca-
davere eruto, & postica ex parte aperto (quod ex-
perimentum Cl. Cartesio debemus) perspicue te-
statur, sed de prioribus binis & tactus confirmat,
qui utique nihil in iis diversum deprehendit: est
autem huic nullo modo deroganda hic fides. De
coloribus vero, etsi lucis & umbræ reflexione
oriri credantur, idq; de refractis per vitra pelluci-
da certissimum sit, eorum tamen quæ per reflexio-
nem opacorum se nobis offerunt, longe alia est
ratio, neq; hinc distinctio inter reales & intentiona-
les, ut vocant, tollitur, ut dudum Zahnius aliq; opti-
ci præstantiores ostenderunt. Illi enim non specie
inani nos fallunt, quod isti faciunt, sed ex superfi-
cie corporum per modificationem radiorum pri-
mam originem sortiuntur, indicantve aliquid,
quod etiam extra cerebrũ nostrum subsistit, nem-
pe certum superficiei modum, ex particularum di-
spositione resultantem, quo ab aliorum superfi-
ciibus corporum differt, isque ipse est, quem
colorem rubrum, album, viridem nominamus,
& quorum in animo peculiare sunt sensatio-
nes.

V. Neque aliter in *Auditu* accidit, ubi pro
corporum varia materia, compactu, collisione,
varius sonus editur, ex quo illorum naturam
satis certe licet conjectare, quoniam hæc cor-
porum collisorum species non minus conveni-
ens

ens est rei, quam prodit, neque sonus in aure demum nascitur, (multo minus in mente ipsa, ut illi volunt) sed per aerem modificatum eo defer-
tur. Cujus rei rursus documentum non Echo tantum, sed & oculorum testimonium præbet: nam collidi corpora sonantia, & tum illico nasci sonū, clarissime cernimus, ex quo in cavernas artificiosissime fabrefactas delatus, varie reflectitur, etiam pro eorum fabrica in immensum augetur; quo, quod per reactionem particularum aeris, per quem ferebantur, perdidit, recuperet: prout libro de auditu, a me ante hos viginti plus minus annos mathematice, ac apodictice, multoque ni fallor, evidentius quam a D. *Du Verney*, quem solum citant Philosophi nostri, quia Gallus est, demonstratum fuit.

VI. Nec *Odor*, qui naribus excipitur, in cerebro, sed in his ipsis est: ex effluviis, quæ membranam earum internam movent, appulsu generatus. Hæc enim effluvia veræ sunt particulæ odoratæ, quas salinas volatiles & oleosas esse, jam ante bis mille annos *Theophrastus Eresius* (licet non usus sit illis loquendi formulis) haut obscure subolfecit, Chemici vero hodie clarissime docent: quæ tamen organo sensorio non instructis intermediis, aliisve corporibus, ab iis percipi non possunt; nihilo magis quam imagines rerum & sonitus: quo non obstante, per media ista ferri particulas has, nemo dubitaverit: etenim ubiubi fi-
stantur, promte se dant obvias. Sic & *Sapida* & quæ *Tactu* deteguntur, tales sentiuntur, quales

reapse sunt, non vel minima specie nobis impo-
nunt.

VII. Ex quibus jam, quid veri falsique alterutri opinionum subsit, constare potest. Fatendum enim profecto est, recentiorum industria longe elegantius doctrinam de sensu & sensili præ antiqua esse excultam, recteque ab iis rejectas spirituales illas species, quæ ex corporibus exeant, & in animam sensitivam ex mente priorum immittantur, cum nec quid sint, cujusque generis, dici queat, nec illæ per aerem sine sustentaculo libere ferri, & per tantam distantiam propagari in momento, (quod in visu accidit) ac nictu oculi citius possint: itaque id quod sentimus, non esse idem, quod vulgo putatur, haut temere monuere. Vicissim autem, ne quidem modos corporum eorumque simulacra a nobis percipi existimantes, adeoque nihil veri his omnibus subesse, sensusque nos fallere, cum ideæ in nobis ortæ reique perceptæ nulla prorsus sit convenientia, sed sola occasione motus fibrillarum nervearum in organo percussarum affectionem quandam in nobis excitari plane ab his diversissimam, atque incognitam, arbitrati, longius a vero abiere, quam par erat, & ex Scylla in Charybdim inciderunt.

VII. Nimis enim id compertum est, quod jam ante viginti & unum secula Stagirites nos admonuit: *Omnes sensationes* (adeoque perceptiones) *fieri tactu quodam*: quod & I. Clericus,

cus, Philosophorum hodie princeps, fatetur, indeque omnes sensus ad unum posse referri, tantum scilicet, existimat. Quicquid autem tangit sensorium, aliud ei, quam quod habet; imo quod ipsum est, offerre non potest: ex quo sane res sese dare, quales sunt, neque ullo modo nobis imponere, liquido patet. Id quod etiam ex mutua, quam nobis in hoc cognoscendo sensus præstant, opera, modo a nobis commemorata, mirum in modum confirmant, ut alio testimonio opus non sit. Itaque ergo nosmetipsi nos fallimus, aut iudicio nostro, non sensibus fallimur.

Phys. I. IV.

10, 4.

IX. Quod enim nobis objiciunt: *Colores* nihil extra mentem nostram simile habere in corporibus, in quibus percipiuntur, ut ex Iride & prismatico vitreo pateat; *lucem*, oculo in tenebris percusso, etiam nullo corpore lucido præsentem percipi; *saporem odoremve* eundem alios gratum, alios ingratum experiri, falsoque putari, in corpore sapido esse amarum, dulce & cetera, quæ in lingua demum oriantur; in igne vero esse *calorem*, quem percipimus, perinde absurdum esse dictu, ac in acu esse dolorem: ad hæc omnia respondere in facili est. Uno enim verbulo, eoque Aristotelico: (modo veniam dent exoso nomini, nec adejus, tanquam mali Dæmonis mentionem, refugiant) omnes istæ tam graves prima specie difficultates evanescunt. Docet is, ὅτι αἰσθητικὸν οὐκ εἶναι ἐνέργεια, ἀλλὰ δύναμις μόνον. Quod de sensorio ibi dictum, etiam de sensili utique verum est.

L. II. de Anima c. 5.

Neque

Neque enim actu, seu ipsa re talia illa sunt, qualia sentiuntur, sed potentia : hoc est, potestas ipsis est producendi in sensorio talem perceptionem, qualem sentimus.

X. Nimirum, ut Medicis solenne est, & ab omni ævo receptum, vinum calidum dicere, etsi actu frigidissimum sit, terrea frigida, sicca multa, non quod sint, sed quia in corpus recepta, illud exsiccant, radices etiam plurimas calidas, humidas, cum frigida & aridissimæ exhibeantur : sic etiam calidum ignem, aquam frigidam, Rhabarbarum amarum, dulce saccharum esse intelligendum est : ita enim loqui nos cogit Latinæ linguæ Græcæve verborum penuria. Nostra enim Germanica, hæc probe distinguit, illamque ambiguitatem quæ in verbo *Calidum* est feliciter solvit, Vinum, piper, & cætera non calida appellans, (*warm oder heiß*) sed calefacientia (quod Latinis barbarum est) *hitzig* ex quo fons erroris apparet. Sic iidem Medici morbos celeres acutos appellant, quia Græcis *ζῶς* & celer & acutus significat, quadam vocis ambiguitate ducti, cum de febre acumen prædicare, absurdum sit. Itaque vulgum non recte accipere, dum qualitates illas, quas sensu percipit, in rebus ipsis ponit, bene, ut modo innuimus, monuere : tam stolidum autem fuisse etiam Philosophos, ut in rebus esse dulcedinem, amaritatem, calorem, qualia ab ipsis sentiantur, merito dubites.

XI. At enim, si dulce esse profitemur, particulas

iculas ex acido aut pingui cum humore certo modo ita temperatas habens, ut linguæ papillas nerveas cum quadam blanda titillatione mulceant; asperum, quod superficie inæquali manus per eam ductæ iter moratur; molle quod digitis facile cedit; cœruleum, flavum, viride, quod superficiem ita dispositam nactū est, ut incidens lumen remittat tali colore imbutum, ecquis idem percipi quod est in rebus, aut id quod sentimus simile esse illi quod iis inest, amplius negare audeat? Nam radios cum ex superficiebus redeunt, colore jam reapse imbutos esse & ratio, & experientia testatur: videmus enim lumen per globosum vitrum aqua plenum refractum, non modo in oculos nostros, sed in chartam etiam & album parietem coloratum incidere, quod fieri non posset, si non colorati ex vitro prodirent: id quod nobis hic sufficit, etsi in vitro colores illos non esse, in aperto sit. Interim si falso colore imbui se patiuntur, eumque per aerem vecti servant, quidni a superficie modificata materiæ inscipiant eundem & servant itidem? Quod si quis ulterius procedens, modumque etiam perquirens, colores ætherearum minimarum motum ita temperatum describere exactius velit, & possit, per me licebit: etsi ea res plerumq; ita in obscuro esse videatur, ut excedat humani aciem ingenii. Lucem deniq; ipsam eodem modo e corporibus lucidis emanare, atque inde in nos reflecti, inficias iri non potest: sed quia solis discus non imminuitur (quod ta-

men alii igni omni accidit) nihil ex ejus substantia secedere,credibile est, sed ætheri motum imprimi rapidissimum, cujus impetus tanta impulsus vi, nisi interposito crassiore fluido diaphano frangatur, nervos visorios vehementius ferit: quod idem aeri ex sono accidit, qui auditorios. Illa itaq; corpora hoc sensu & potentia esse lucida, sonora, colorata, sapida, & reliqua, ostensum est.

XI. Attamen supersunt nonnulla, quæ nobis obstare videntur: 1. Percussis noctu oculis, aut mane evigilantibus, scintillæ, aut *lucis* quædam species, nullo corpore luminoso in præsentia existente, videuntur erumpere. 2. *Sapores* iidem aliis suaves, aliis ingrati percipiuntur; 3. *doloris* in acu ipsa nihil est. Hæc quoque dilui æquum fuerit. Et *lucem* quidem illam apparentem, reliquias esse quasdam ex diurnis radiis, aut etiam, quod Bartholinus, libro de luce tuetur, infiti oculis lucis splendor, aut ætheris inherens, credi potest, potius quam motus solius sobolem. Indicio est, quod perfrictis oculis, eadem eliciantur, & post acrem intuitum in solem, submotis oculis, clausisque, pares scintillæ in mediis tenebris subsultantes appareant, quas reliquias esse similes, manifestum est. *Voluptates* autem *Sapore* percipiuntur, aut *molestiæ*, quæ non sunt ipsi sapes, nec ad eos pertinent proxime, sed eos consequuntur: idem de dolore, *Tædus* ratione judicandum venit. Dolor enim ex eorum quæ tangimus, aut quibus attingimur, figura

ac duritie, tanquã remotior sensus, & effectus provenit, non est id quod sentitur primo: ut enim serram, dum lignum dissecat, dentes imprimens, aut securis dum findit, si illud sensus particeps esset, dolorem quidem in eo producerent, non nisi secundo tamen loco, ferri enim configuratio sentiretur prius: ita & acus proxima perceptio non in dolore, sed acuminatæ cuspidis figura est posita: nam inde est dolorum varietas, quæ a medicis tam exacte discernitur, ut est vel findens, vel lancinans, gravativus, tensivus, causarum in his cognoscendarum gratia, magno ægrotantium bono.

XII. His omnibus perpensis, nulla erit causa, adversus receptam sententiam, sensuumque fallaciam hoc nomine tam acriter insurgere: neque opus hinc erit, Philosophiam penitus invertere, damnare antiquos, novas in scholas introducere loquendi formulas, quin potius evitare licebit tot insolitas, atque in auditas, quibus turbatur juventutis animus, & in odium veteris Philosophiæ concitatur, voculas: *Absurdum esse fingere, id esse in re mere corporea, quod in mente nostra sentimus*: quod sape hoc sensu neutiquam absurdum est, altero vero illo, quo ipsi qui id dicunt, volunt, indeque insultant omni vetustati, nemo unquam hominum hac loquendi ratione est usus, sed nominibus *sensationis & sensilis*, barbaris licet, discernere quod in mente fit, ab eo quod in corpore, omnes omni tempore consuevere. Tales etiam sunt: *V. Clerc. Colores non esse in objecto, sed esse modificationes: c. l.*

item: sonum, visionem, nil nisi commotionem cerebri: lucem esse modificationem cerebri, & quæ sunt aliæ istiusmodi, inconditæ sane, & vero philosopho indignæ, ex eo natæ, quod non satis rem expendunt. Dictum oportuit: perceptiones harum rerum fieri in cerebro, aut in mente, non ipsos colores, sonos, &c. qui sane fiunt in superficie rerum, aut in ære, non cerebro: colores enim esse modificationes ætherearum particularum a corporibus visis, sonos aerearum a collis prodeuntium, jam compertum: cerebri vero has esse commotiones, aut modificationes, falsissimum est, quin & mentis modificationem non minus falso quam barbare dici, cum anima modum accipere, & quidem ex motu rei corporeæ, non possit, liquido patet. Sed post Cartesium ita invaluit modorum substantiæ & modificationis verbum, ut in qualitatibus & aliarum hodierno seculo exosarum locum pari potestate ac tyrannide successisse videri queat, cum neque minus sit barbarum atq; illud, & nihilo plus inde sapiamus.

CAP. IV.

DE PERCEPTIONE, UT FIAT.

1. *Transitio. Qui sensuum organa descripserint.*
2. *de loco perceptionis: sententia veterum, in organo percipi: & recentium, in cerebro.*
3. *idque per nervos,*
4. *Ultriusque rationes.*
5. *An anima sit in toto, & tota in qualibet parte.*
6. *bruta an sentiant: Cartesii modestia.*
7. *Ratio negantium & dissensus.*
8. *Experientia: hanc contra rationem valere.*
9. *Bruta, non esse artomata.*
10. *id*

10. *id afferentium rationes*, 11. *Quid in his desiderari possit*. 12. 13. *Refelluntur*. 14. 15. *Fons erroris detectus*. 16. *Bruta sentire, perspicue ostenditur*. 17. *Experientia*. 18. *Animam brutis concedendam*. 19. *Præter mentem & corpus tertium quid esse* 20. *non repugnat*.

§. I.

PAulo longius abeundem fuerit, si & cæteros ejus generis errores excutere lubeat. Quoniam tamen evagari cepimus, & hoc iter sumus ingressi, non erit incongruum, doctrinam nostra animadversione dignissimam totam percensere, & quomodo ad affectus movendos externarum rerum ideæ intra animum penetrent, plenius dare. Nec tamen organorum fabricam sollicitè delinabo; quod aliorum pertinet, & fecere id dudum alii: *Oculum* quidem ex *Mathematicis Scheinerus*, ex Medicis *Fortunatus Plempius*, ex Philosophis ipse *Illustris Cartesius*; *Aurem Du Vernay*, atque ego, utrumque etiam *Hier. Fabritius Aquapendens*, & *Julius Casserius*, Professores Patavini, splendidissimis figuris: *Linguae & cutis*, tactus organon, Italorum diligentissimus sector *Malpighius*; *Olfactus* vero, prolixus ille *Catarrhorum* explanator *Schneiderus*, illustrarunt. Nobis id monuisse sufficit, in omni sensus organo præcipuam partem, in qua fiat sensus, intimo in recessu latere, esseque vel nervorum fibrillis contextam, aut iis intertextam membranam, qualis in oculis, auribus, naribus, manife-

ita est; vel papillas, ut in reliquis duobus obvias, in quas nervi desinunt. Huc appellente rerum specie, sensum fieri manifestum est: qui autem fiat, & ubi ab anima percipiatur, id quidem maxime controversum & ambiguum adhuc videtur.

II. Veterum omnium scripta si excutiamus, indubitatum ipsis visum esse reperimus, in organo id contingere: animam enim, per totum corpus diffusam & ubique præsentem, ubi sistuntur objectorum imagines, ibi eas percipere. Quod dogma absurdum nimis præsentis ævi Philosophis existimatum est, qui animam, sive, ut invita universa Latinitate loqui malunt, mentem, in solo cerebro residere, persuasum habent. Porro autem, cum, quicquid percipitur, in sola illa percipi crederent, in cerebrum deferri oportere percipiendorum ideas, ut sensus fiat, constituere. Quæ opinio tanto magis regnare cepit, postquam mentem solam intelligere, sentire, imaginari, corpus omne brutum esse, pressius urgeri ceptum est. Hinc sensum in cerebro, solaque anima fieri, corpus nihil percipere, tanto calore defensum est, ut etiã nonnulli, *LeGrandio* potissimum præeunte, bruta sensibus carere, quia mentem non habeant, asseverare ausi sint; quin inter automata referenda esse, adeoque ne vivere quidem vera vita, magno plerorumque applausu, & gratulatione clarissime prodidere.

III. Pervenire autem ad animam ideas nervorum, qui ex eo in sensoria organa procurrant, ope,
docue-

docuerunt. Tria enim in istis occurrere: primum membranulas, quibus involvantur, deinde internam eorum substantiam, ex fibrillis tenuissimis constantem, quæ ad extrema membrorum omnium descendant, talesque sint, ut ab invicem sejunctæ, libere fluctuent, quo seorsim moveri possint, nec se impediant motæ: postremo esse Spiritus animales, qui instar venti aut aëris subtilissimi, per eos ad musculos evehantur. Ex his Spiritus musculos regere, motuique præesse, filamenta vero, assiduo Spirituum affluxu expansa, ne collidantur, sensibus inservire, eo modo, ut pro vario ipsorum motu, eodem etiam momento illa cerebri pars afficiatur, ex qua nervus descendat, ex eoque motus genere mentem existimare, quale nam sit quod ipsi offertur sensibus. Attamen, cum similitudinem imaginumve convenientiam cum rebus nullam agnoscant, quomodo fiat, ut anima non decipiatur, aut comota nervi alicujus fibrilla, aut pluribus, ita percellatur mens, nullam causam afferre possunt, sed solam DEI voluntatem id efficere, plerique eorum contendunt.

Vide Cartesii. Dioptr. c. IV. §. 1. Princ. Phil. V, 189. &c.

IV. Quænam igitur harum sententiarum vera sit, operæ pretium erit, expendere. Habet autem utraque suas rationes non invalidas: ex quibus utrisque commune est, & certum videtur, corpus sine anima nihil percipere, nihil omnino sentire: neque enim quenquam veteris ævitam insensatum fuisse unquam puto, ut corpus ex se
sen-

sentire statueret. Interim & hoc longe certissimum vicissim est, neq; animam sine corpore percipere quicquam, aut ab externis corporibus, nisi isto interveniente, pati posse: quod multis documentis ostendi posset, si opus esse videretur, quorū præcipua mox adducemus. Verum in hoc dissidium est: an in organo statim, illabente imagine, an vero post demum in cerebro percipiatur: & ubi percipiens sive mens sive anima resideat. Ex parte priorum stat, animamque per totum corpus esse diffusam, suspicionem facit, quod vitam per omnes partes ita distributam esse videamus, ut ne minimum sit corporis punctum, quod ea careat, eamque in multis, frigidioribus præsertim animalibus, amputatis quibuscunque partibus, plurimas horas, imo dies perdurare: vitam autem non minus ac ratiocinandi facultatem ab anima esse constat: ubi ergo vita, ibi & anima, quo stabilita, nihil obstat, quo minus in organo statim perceptio rerum fiat. Alteram sustinent duæ causæ: primum quod sine cerebro nemo existimare quicquam, aut ratione uti possit, quod itidem est animæ: tum, quod in capite omnes fieri cogitationes, conceptus animi, phantasmata, quin & memoriam ibi inhærere, sensu quodam percipimus, atque experientia: usque adeo, ut ex nimis acri meditatione obtundi ingenium cognoscatur, & cogitando fessis, vertiginosus capitis dolor, & quasi defectus quidam mentis superveniat.

V. Regerunt quidem isti, nullum hinc ad se pervenire incommodum: id enim non ideo fieri, quod illic solum hospitetur, sed quod in cerebro spirituosus illius fluidi, cujus opeutitur, copia inveniatur, nam pro variis organis varie operari: esse enim totam in toto, & totam in qualibet parte, ut omnibus functionibus præesse possit. Sed non omnes difficultates expediunt: nobilem illum spiritum & immortalem, aliis quam istis functionibus præesse, ne quidem credi potest, maxime postquam mechanicis rationibus atque obviis pleraque fieri, hodie non ignoratur: nec dogma allatum mente concipi potest. Quicquid enim totum in parte est aliqua, id neque in reliquis, neque in toto amplius esse potest.

VI. Verum & alteros, cum solam mentem hanc immortalem percipere, usque adeo calide propugnarunt, ut hinc brutis negarent sensus, non est dubium, longius a veritate abiisse, immemores vulgaris dicti: *ita fugias, ne prætercasam*, multoque cautius delicatissimam sententiam proposuisse videtur Magister eorum & antesignanus *Cartesius*, qui etsi mentem solam sentire & ipse asseveret, & animam brutis neget itidem, ut illi negant, tam duris tamen loquendi formulis sedulo abstinuit. Et vero mentem, perinde ac hominibus, illis qui largitus sit, ex omni antiquitate nemo est: nemo tamen etiam iis propterea sensus abrogavit, quibus ea gaudere, æque ac

Princ. Phil.
l. 9. § IV.
189.

E

homines

homines, tam evidenter experientia facit palam, ut eam repudiare, omnemque certitudinem humanæ cognitionis e medio tollere, facilius sit, quam ista non credere.

*Cartes. I.
Princ. 9.*

VII. At enim, dicunt, cum præter entia cogitantia & extensa nihil extet, mente autem bruta careant, fieri nullo modo potest ut sentiant: non enim corpus, sed mens sola percipit, adeoque & sentit. Sed quod pace tantorum virorum dictum sit, decepit illos oblatane an quæsitæ vocis ambiguitas: nam *Perceptio* illis non est præsentis cuiuscunque rei sensum ferientis simplex animadversio, sed quæ cum reflexione ipsius mentis, & ut loquuntur, *Conscientia*, *sentiri aliquid*, est conjuncta, ita ut *sentire, idem sit illis quod cogitare*. Quod vocis significatum usque adhuc omnibus ignoratum fuit, nec unquam extitit vel ex Philosophis vel ex vulgo, qui perceptionem sensibus factam ita acceptam voluisset. Iniqui ergo illi sunt, qui præter rationem imo præter rem, primum usum vocabulorum propria auctoritate mutant, & deinde alios accusant erroris, qui tamen ex nova ista verborum acceptione, iniqua vero illa & erronea ipsa, demum nascitur. Etenim tria hic contingunt in animo, quæ etsi eodem tempore fieri videantur, successive tamen fiunt. Primum est, oblatae speciei, qua tangitur, appulsus & impressio, dum certo motu sensibile ferit nervorum in sensorio extremitates: quæ cum ab eo agnoscitur, qualis sit, alterum est: tertium

tium perficitur, cum de ea cogitat, bona an mala; certa incertave, atque alia ejusmodi expendit, aut se illam percipere considerat. Hæc tria reapse esse distincta, quilibet agnoscit: nam primum etiam cæcis, surdis, aliisque sensibus privatis accidit, alterum omnibus, qui iis non carent, tertium non nisi illis, qui attentius considerant, & meditantur. Confundenda ergo non erant, Philosophi enim est distinguere: quod dum illi non faciunt, committere, quod Logici vocant *Fallaciam compositionis & divisionis* palam est, contra quam Magister illos monuerat qui *pro veris habere vetat, nisi quæ clare & distinctim* percipiantur.

VIII. Detecto itaque hoc fonte erroris, & junctis quæstionis partibus, propius in rem controversam intueri licebit. Et vero primum idearum illapsus, de quo præcedente egimus capite, sensum non perficere constat: neque eam quæ fit, tertio loco, super illas res, quarum accepimus simulacra, contemplatio, ad eum pertinere, quisquam dixerit. Sola ergo perceptio impressionis externæ rei, si accurate loqui libeat, sensus nomen sustinet, eumque complet. Hæc autem est, quam brutis omne ævum concessit, non cum conscientia perceptionis, aut quod de ea re cogitet ulterius: (quamvis & hoc ea facere quodammodo, certa que ratione cogitare, forte alibi demonstrabitur,) sed quod præsentē esse rem, & se ea tangi cognoscant: nam ita sentire, ut sciant, nemo credi unquam postulavit, ut in hoc utrisque non

male conveniat. At ubi ulterius progrediuntur, & etiam medio loco recensitam sensationem omnemq; perceptionem illis denegant: minus quam par est venerari tot seculorum consensum, & contra experientiam ipsam frustra tendere videntur. Quæ tamen ubi pugnat, frustra rationes opponi, existimandum est, omnesq; potius tentandas esse explicandi vias, quam ab ea recedendum: ratio enim non satis perspecta nobis esse potest, & hinc nos fallere: experientia vero, si recte accepta est, perpetuo certa & fallere nescia, ut in omni re dubia huic potius fides addicenda sit: quod Medici, qui circa eam maxime omnium versantur, optime perspectum habent, & in hoc etiam negotio, jam spero patefcet.

XI. Nam quod eo nunc confugiunt, ut cetera animantia automata esse, & ut truncos aut lapides ab aliis corporibus externis, nullo conspirante interno principio, moveri statuunt, adeo difficile est creditu, ut vel in mentem venire viris, insigni judicio alias pollentibus, vel aliis persuaderi probarique unquam potuisse, demirer. Cum enim corpora corporibus non nisi vel mole vel virtute & impetu se superantibus, ex æternis motus legibus moveantur, visus autem subtilissimo æthere, auditus aere, iisque non nisi leviter impulsis, consent: qui possunt magnitudine ac pondere immane quantum superans animale corpus impellere, tanta vi, ut ocius aura pericula fugiant, aut promte adeo advolent animalia ad ea quæ

quæ cupiunt? Omitto reliquos sensus, crassioribus quidem, sed quæ non magis tanto conatui pares sint, partibus moveri solitos.

X. Sed his quo pacto obviam ire conentur, operæ pretium est expendere. Ajunt igitur, non tam magna opus esse vi, ut nervorum filamenta, quæ spirituum animalium influxus plane libera præstet, moveantur, quæ inde in cerebrum protensa, iisdem id modis, quibus ab externis rebus mota sint, porro afficiant, unde mens advertat: ex cujus voluntate, in homine quidem, spiritus animales in musculos alios atque alios influant, prout ad motum quem intendit, opus fuerit. At in brutis, quamvis anima seu mente destitutis, idem tamen opus fieri posse: *machinam enim corporis ita esse constructam, ut spiritus per nervorum, qui sensibus in nobis destinati sunt, motum ab externis rebus impressum, cerebroque illatum, moveantur, & aperiant quosdam poros ibi existentes, per quos in musculos movendo corpori idoneos influant: eodem ergo hic modo ut in automatis sola virtute manucle & figura rotularum, varios motus contingere.* Cartes. Pass. an. 1. 16.

XI. Et hæc quidem hætenus bene: cum autem manucle in automatis non sponte moveantur, sed ab artificis manu moveri postulent prius, id vero principium movens primum, internum quidem, non necessarium arbitrentur, restat, ut species illas sensibiles manucle vicem simul & manus eam moventis officium præstare, co-

gantur concedere, quod sane absonum est. Fac enim nervorum fibrillas moveri, nullus inde motus sequetur, nisi simul illi aperiantur in cerebro poro, quos hiare convenit in musculos moventes. Quod si ergo quæras, quo directore accidat, ut spiritus poros, musculis illis debitos, qui movendi sint, neque alios aperiant, nihil audias, quam *eos per cordis calorem excitari*. Quod, ut influant iis apertis, sufficere quidem potest: at ut veri, desideratique aperiantur, omnino alio directore opus erat, quem nullum reliquerunt. Itaque vel uno hoc nomine in sententia ista acquiescere nullo modo possum.

XII. Verum & alia sunt, non minoris momenti, quæ eam penitus evertunt. Nam de nervis quod supponunt, filamentis intra membranam suam non cohærentibus constare, quæ ab appulsu specierum moveantur, & hunc motum in cerebrum inferant, falsissimum esse, facile ostendi potest. Etenim ut probent novum hoc dogma, non argumento aliquo solido, & ex rei natura petito, sed similitudine quadam utuntur. Ut in trabe aut baculo, inquietes, si unum ejus extremum tangatur, ad alterum, tremulo ejus motu, tactum perducere videmus, aut sonum per chordæ tensæ totum tractum propagari: sic etiam in nervis, ab uno extremo, ad ejus originem motus quilibet decurrit. In quibus nihil omnino roboris est: nam similia illustrant quidem, sed non probant, nisi simul exacte iis, de quibus
ser-

sermo incidit, similia esse, aliunde constet: hic autem & maxima substantiæ diversitas est, & conditionis filamentorum valde dissimilis ratio. Nam in trabe & baculo pariter ac chorda, solo rigore fibrarum fit, ut tremulus ille motus, & efficiatur, & propage-
tur. At nervi flaccidi sunt & molles, adeoque tremo-
ri, & tactus hinc propagationi prorsum inidonei. Præterea, quod asserunt, nervorum fibras, spiri-
tuum affluxu expansas, intra membranam suam *non collidi*, sed libere fluctuare, *neque sibi obflare invicem*, (quo varietatem sensualem rerum in ce-
rebro repræsentari posse, demonstratum volunt) anatome falsitatis convincit: nam filamenta illa arctissime sibi innectuntur, ita ut nulla arte singula fisti seorsim queant. Accedit, quod ut accurate ictus receptos reddant, tum ligneas fibras, tum intestinales chordas aridas esse conveniat: humor enim interpositus sonum intercipit, motum au-
tem tremulum impedit, quo secius ab uno extre-
mo ad aliud percurrat, nervi autem largo, perpe-
tuoque humore madent.

XIII. Nec magis admitti potest, quod de ma-
chinæ corporis animalis structura comminiscun-
tur. Nam cerebri quos narrant pori, qui spiritu-
um ope aperiri claudive possint, nusquam ap-
parent, estque merum hoc commentum inane, sed
ex nervorum principio, (quod non est cerebrum
ut illi putant, sed oblongata medulla, etsi hoc ad
rem nostram nihil faciat) in nervos aditus semper
patet, nullaque apertione indiget. Ponamus autem,

val.

valvulas nervis adesse, vel alio modo aperiri poros: tamen, cum unius nervi e cerebro orti infiniti sint, in quos dispescitur, rami, ramulive: quid impediverit, quin aperto tali poro, non in omnes simul musculos, sæpe contrarium motum efficientes, influeret spiritus motor? In glottide avium, (Gallos & Gallinas specta!) quanta vocis varietas? cum non nisi unum nervorum par æque omnibus interserviat. Nisi ergo director adesset, quid terminaret fluidum illud mobilissimum, & ad omnes partes pari virtute abiens, ut hos potius quam contrarii motus musculos petat, & in motum agat, cum dudum porum illum in cerebro superaverint. Quo magis perspicuum est, novo dirigente esse opus, ut spiritus rite influant, qui præterea cum sint corpora, corpora vero omnia bruta sint, nec ex seipsis moveri possint, restat ut ab alio: in quod frustra calor allegatur, quippe qui eos animare quidem possit, at dirigere non possit. Taceo, frigida animalia, quibus calor est admodum debilis, motus sensusque plerumque velocissimus; quibusve, etiam erepto corde, diu motus perdurat, ut morfu viperæ etiam altero die post resectum caput interfecti legantur. Quicquid vero hujus sit, negatis prioribus illis, quæ adducta in sententiæ explicationem fuerant, fero ista, ac necquicquam disputantur; simul & de manucla non opus amplius est verba facere, totaq; hæc fabula, cum omnibus suis machinis sine machina ex aere cœlove arcessita dissolvitur, nec aliam, quam ingeniosissimæ confictionis, auctori suo gloriam relinquit.

XIV. His ita propulsis, acquiesci quidem posset, nec aliis destruendo dogmati argumentis esset opus: ne tamen quicquam faciamus reliqui, quænam maximo ejus auctori errandi fuerit occasio, etiam expendamus. Quam duplicem invenio: primam, supra allegatam, quod *nul- lam sine cogitatione perceptionem contingere posse*, *haberet persuasum, cogitare autem solam mentem.* *Phil. 1, 9. 32. & 48. Dioptric. Cap. IV. Methodi p. m. 35.36.* alteram, quod videret, *tam varios motus, miros- que affectus ab automatis humana industria fabre- factis edi posse*, in quibus tamen nullus ejusmodi spiritus movens includatur. Ex quo recte sibi inferre videbatur, cum præter ens cogitans & corpus nihil ejus menti sese offerret, *brutis autem membris partibusque gaudeant infinitis modis præ- stantioribus* quam sint organa automatum: ergo hæc omnia sine sensu, beneficio istorum, facile fieri posse.

XV. In quo fefellisse summum virum insignem speciem veri, ex dictis in aperto est. Sed neque justam ejus argumentationem esse, cognoscitur: firmissima enim philosophorum regula est, a minori ad majus non valere processum. At multo majus est sensus quam motus: ut ergo hic automatis indi arte mechanica possit, non tamen potest etiam ille, illudque ipsum est, cui experientiam omnium seculorum reclamare, antea monuimus: Contra brutorum genera interno motus principio gaudere, non modo exemplis, sed & argumentis ostendi potest. Primum anatome cerebri humani & brutorū credi id postulat: quod

enim domicilium, id etiam incolam, quod organon, etiam operationem habeat, necessum in natura est, nisi frustra omnium rerum conditorem laborasse, arguere hinc velis: id vero admittere, nefas est. Nihil autem in hominis cerebro ac sensuum organis ostendi potest, quod in brutorum desit, nihil in his, quod non etiam in homine appareat.

XVI. Deinde ex iis quæ peragunt animalia bruta, id patet. Disciplinae capacia esse, negari non potest; saltem eorum plurima: ex quadrupedibus canes, equos, elephantem maxime, ex avibus, psittacum: quem & vidimus pullos gallinaeos, qui in caveam ejus, in solo collocatam intrantes, pabulum ipsi præripiebant, advocasse omnes, & blande compellantem invitasse, iis vero ingressis, ante introitum se collocantem non prius cessasse, quam omnes successive, obtorto collo raptos interfecisset. Ex marinis Phocam variis artibus instrui, circulatores ostendunt: quæ omnia non sine perceptione & memoria earum rerum, quas sensibus perceperant, perfici ab ipsis posse, automatis nullo modo imitanda, liquido patet. Et quid illis experimentis fiet, quibus ab insidiis hominum ac violentia sibi cavent? Non apes, non formicas hic adducam testes, sed aviculas, e longinquo conspicientes venatorem, insuetas quidem, non curare, sed insulas maritimas non hinc longe diffitas, secure inhabitare, ut vel manibus capi possint: alibi vero, ubi bombardis eas prosequuntur, conspecto e longinquo illarum

larum splendore, non intra ictum consistere, sed aufugere velocibus alis. An non hic dicendum est, percipere, & quodammodo expendere ista, quæ senserint olim, & ejus conscientiam habere? præscire, saltim nocitura, fugaque sibi consultare: id profecto nemo negare potest, nisi præjudicio plane occæcatus, aut refractarius. Neque hic naturalis instinctus locum habet, cum non nisi per experientiam id discant, ad quam memoria opus est, quam automatis nemo concedet.

XVII. Quid dicam amplius? Motus, qui automatis invitus est & coactus, animalibus spontaneus plane: quod illi perperam, & pene frivole negant. Quid evidentius quam docta animalia ad nutum hominis omittere vel arripere cibum, etiam dum maxime esuriunt: quid? non jussa domini vel levi membri cujusdam motu comonefacti promte capeffunt? ne dicam verba intelligere, quamvis ejus etiam rei certissima exempla in promptu sint? Odorari vero ferarum & domino-
rum vestigia, & per aquarum interstitia interruptam ejus viam ingredi, nihil est: singularum etiam ferarum internoscunt, & leporis aliûs quam quem pedum impressiones capta ut, prætermittunt, primo visum pergunt prosequi, nec facile aberrant. Quæ sane omnia experientia ita obfirmata sunt, ut ea vivere: non sunt autem talia sensuum carentis automati, sed animalis suo modo intelligentis.

XVIII. Ad alterum dubium, *nullam sine cogitatione perceptionem fieri posse*, non jam opus est respondere. Concedetur facile; nihil enim habet insoliti assertum, neq; etiam nostræ sententiæ adeo adversi, ut solvi difficultas inde nata non possit. Quin brutis cum sensibus etiam animam quandam intelligentem concedendam esse, etsi nostra multo inferiorem, nec immortalem; & si sine cogitatione sensus esse non possit, hujus etiam non omnino nihil, largiri possumus. Quod etiam ab ipsius Cartesii dogmatibus non est plane alienum: enimvero, *si percipere, sentire, imaginari &c. est cogitare*, etiam bruta cogitant: percipere enim, vel ex memoria qua pollent, & quibus ad nutum mandata exequuntur, fidem faciunt; imaginari, in somno subinde editus ejulatus perspicue ostendit; sentire autem, non opus est rursus constituere, cum jam dudum evicerim.

Cartes.

Princ. Phil.

I, 9.

XIX. Ecquis vero, ut porro dicam, præter animam humanam, seu, ut illis loquendi mos est, mentem & corpus, nihil amplius existere, nostratibus in tanta rerum caligine atque incertitudine, tam certo revelavit, ut necessum sit credi, tanquam articulum fidei? Quis Dæmones, Angelos, Deum, mentes esse, seu entia cogitantia, nec præter ea & corpora esse quicquam, sponsor est? quin Deum, & animam nostram, & spiritus creatos esse ejusdem planè naturæ, *ἁπλοῦς* videtur: cogitare vero Deum, ut nos homunciones, in eoque essentiam Divinam constitui, blasphemum dictu

dictu, ac detestabile. Longe enim illustriori, & omnes cogitandi modos longissime excedente ratione Numen perspicere, compl. &ti, ac velle omnia, asserere nullus dubito. Immo nostram animam ne cogitare quidem in nobis, nisi ope spirituum animalium, experientia discimus: cum iis oppressis somno, defatigatis, aut alibi occupatis, aut affectibus turbatis, cogitationem quoque intercipi, disturbari, præpediri, nemo, nisi ultro cœcutire velit, non perspiciet: quod clarissime ostendunt sopor, epilepsia, lipothymia, apoplexia, totque genera deliriorum, in quibus non magis sui juris est illud ens cogitans, quam canis aut lupo in rabiem actus, eademque cum his animalibus hominem pati, clarissime deprehenditur.

XX. Ut igitur spiritus esse immortales, qui vel plane supra omne quod concipi potest, cognitione & contemplatione & discretione rerum, nostrum illum superent, vel etiam excellentiori gradu quam cogitari possit, res suas peragant, nullum dubium habet: sic non video, quid possit obstare, Deum omnipotentem etiam aliud genus mentium seu animarum, nostro inferius creare potuisse, quod minus excellenter cogitet, ut tamen proxime ad nos accedat: ut est quidem mira brutorum nonnullorum solertia. His enim præter cognitionem etiam memoriam esse, supra monui aliquoties, ut per plurimos annos tam beneficiorum quam injuriarum memores, has quidem vindicent, pro illis vero grata se exhibeant, & offi-

L. de Intel-
Fu.

ciosa, quod annales plurimis exemplis perhibent, docentque. Quæ sane omnia, non authomatis cujusdam, sed intelligentis suo modo officia sunt. Concludimus hæc & quasi obsignamus Joh. Lockii, insignis viri prudenti contemplatione. *Si Deus voluisset, non esse dubitandum, etiam materia cogitandi facultatem eum largiri potuisse.* Id quod nos magnopere probamus: quis enim dubitet de potestate omnipotentis Dei? At multo faciliori opera, si illud potest, cognoscendi & percipiendi virtutem subtilissimæ cuidam æthereæ, cœlestisque fortassis naturæ materie committere potuit, quali bruta dotata esse, hætenus saltem non repugnare, ostensum est.

XXI. Duplex scilicet cunctis animalibus principium internum est motus: vitale unum, alterum cognoscitivum, cujus tamen in nobis simul immortalis anima officio fungitur. Illud in corde habitans (igniculus fortassis subtilior) cum sanguine aut alio huic substituto humore, sub caloris specie in cunctas corporis partes influit, illudque ad sensum motumque recipiendum disponit, nutrit, vegetat: argumento est, quod hoc influxu prohibito, oppressove calore, (ut cum brumali gelu membra occupantur) sensus motusque, vitæ unica documenta & signa dispereunt. Hinc est etiam, quod cor, ejus fons & scaturigo, vitæ choream incipit, & (in perfectioribus saltem) dum micare, pulsareque cessat, eam finit. De hoc ergo haut temere Ill. Cartesius: *calorem concinnum inesse cordibus nostris, qui species sit ignis, quem sanguis vena-*

venarum nutriat; & hunc ignem esse principium corporale omnium motuum nostrorum membrorum. In quibus nihil deest de veterum sententia, nisi quod Animam non appellaverit.

XXII. Alterum animale, internum principium, quod cognoscitivum appellavimus, in cerebro residens, alio cum fluido, sed multo sanguine subtiliori, ita ut sensus fugiat, pariter atque illud vitale, per universum corpus se diffundit, sensumque non modo, sed & voluntarium motum, nobilioremque ac veriore vitam infert. Hoc omnium animalium actiones dirigit, & in perfectioribus ad rationalis animæ effectus proxime accedentes operationes edit. Quem in finem per Spiritus illos seu fluidum subtilissimum, sive jam hi vehiculum ejus sint, sive ipsa illa cognoscitiva natura, per nervos horum prorsum vertit se, & instar radiorum solarium (quo simili jam olim usus est Galenus) nictu oculi citius, seu jam externis afficiantur rebus, seu interno illo, quorum principio in motum concitentur, omnia penetrat, atque illustrat.

XXIII. Neque aliter cum anima nostra immortali agitur, quæ hanc inferiorem facultatem in se una cum ratiocinandi, intelligendi, que penitus omnia, præstantissimo habitu complectitur. Hæc perspicuens, altiusque rimatus ingeniosissimus Cartesius, tametsi *in cerebro* *Princ. Phil. IV. §. 189,*
& glandula piniformi animam specialiter collocatam voluerit, tamen & totum corpus infor-

informare, simul asserere non dubitavit. Imo de passionibus agens, disertis verbis, *Animam*, Part. 1, 30. ait, *esse revera junctam toti corpori nec posse proprie dici eum esse in quadam parte exclusive ad alias*. Tanta vis est veritatis! ut vel invitis, ubi ad se redeant, exprimat confessionem, & per velum erroris, radiis suis ubique transluceat, nec se totam abscondi patiatur. Quid enim aliud hoc est quam veterum illud: esse totam in toto, & totam in qualibet parte, si contradictionem tacitam illam tollas. Scilicet hoc vult Philosophorum hodiernorum Princeps: in cerebro quidem inhærere, ibique suum domicilium, Regiamque habere sedem, sed tamen exinde cum spiritibus animalibus, qua patet corporis ambitus, diffundi.

XXIV. Quo jam admisso, de loco etiam ubi fiat sensatio certioribus esse licet: nihil enim amplius obstat, quin aperte jam profiteamur, primam perceptionem in organis sensuum ab adstante quam proxime & cum spiritibus per illa diffusa anima fieri: reflecti vero cogitationes super ea in cerebro, ubi spiritus cogitationes motu suo perficiunt: intelligitur etiam, cur utriusque animæ, tam vitalis quam alterius illius influxus ad motum sensumque concurrendi tanta sit necessitas. Et hæc jam de perceptione & sensuum, quibus animi affectus potissimum commoventur, omni historia atq; indole, dicta sunt.

